

# FINANTZA-PRODUKTUEN KONTRATU AURREKO INFORMAZIOA,

2019/2088 (EU) ERREGELAMENDUAREN 8. ARTIKULUKO 1, 2 ETA 2BIS APARTATUETAN ETA  
2020/852 (EU) ERREGELAMENDUAREN 6. ARTIKULUKO LEHEN PARAGRAFOAN AIPATZEN DIRENENA

## LABORAL KUTXA AVANT IF

ISINa: ES0164735039

LEI kodea: 5493006V6IL75YDRJ484

**Inbertsio jasagarria**  
egitea ingurumen- edo gizarte-helburu bat lortzen laguntzen duen jarduera ekonomiko batean inbertitzea da, baldin eta inbertsioak ez badio kalte nabarmenik eragiten ezein ingurumen- edo gizarte-helbururi eta inbertsioen xede diren enpresek gobernantza onaren arabera jarduten badute.

**EBren taxonomia**  
2020/852 (EB)  
Erregelamenduan aurreikusitako sailkapen-sistema bat da; horretan, ingurumenarekiko jasagarriak diren jarduera ekonomikoen zerrenda ezarri da. Erregelamendu horrek ez du gizartearekiko jasagarriak diren jarduera ekonomikoen zerrendarik aurreikusten. Ingurumen-helburua duten inbertsio jasagarriak egokitu daitezke, edo ez, taxonomia horretara.

### Ingurumen- edo gizarte-ezaugarriak

#### Finantza-produktu honek badu inbertsio-helburu jasangarririk?

Bai

Ez

**Ingurumen-helburua duten inbertsio jasagarrien** proportzio hau egingo du gutxienez:

- EBren taxonomiaren arabera ingurumenarekiko jasagarriak diren jarduera ekonomikoetan
- EBren taxonomiaren arabera ingurumenarekiko jasagarritzat hartu ezin diren jarduera ekonomikoetan

**Gizarte-helburu bat duten inbertsio jasagarrien** proportzio hau egingo du gutxienez:

Ingurumen- edo gizarte-ezaugarriak sustatzen ditu, eta, inbertsio jasagarria egiteko helburua ez badu ere, inbertsioen % 40 jasagarria izango da gutxienez:

- ingurumen-helburu batekin, EBren taxonomiaren arabera ingurumenarekiko jasagarriak diren jarduera ekonomikoetan
- ingurumen-helburu batekin, EBren taxonomiaren arabera ingurumenarekiko jasagarritzat hartu ezin diren jarduera ekonomikoetan
- gizarte-helburu batekin

Ingurumen- edo gizarte-ezaugarriak sustatzen ditu, baina **ez du inbertsio jasangarririk egingo.**



## **Zer ingurumen- edo gizarte-ezaugarri sustatzen ditu finantza-produktu honek?**

Funtsak ingurumen- eta gizarte-ezaugarriak sustatuko ditu; izan ere, IGG alderdiak hartzen ditu aintzat, baloreak aztertzean eta zorroa eratzean. Funtsaren ondarearen % 60 gutxienez alderdi horiek sustatzera bideratuko da.

Zehazki, eskusio-estrategia bat erabiltzen du funtsak; horren arabera, baztertu egiten ditu armamentuaren, tabakoaren, jokoaren, helduentzako entretenimenduaren edo giza klonazioaren sektoreetako enpresak. Irizpide horiek funtseko inbertsio guztiei ezarriko zaizkie.

Caja Laboral Gestión SGIIC SAK barne-metodologia bat garatu du IGG rating bat egiteko, kanpoko informazio-hornitzaileen datuetan oinarrituta. Horren arabera, *best-in-class* politika ezarriko da; hau da, balioztapen positiboa emango zaie, sektorean jasagarritasun-puntuaziorik handienak dituzten jaulkitzaileei.

Gainera, EBren 2019/2088 Erregelamenduaren 2.17 artikulua arabera, funtsak inbertsio jasagarrietara bideratuko ditu inbertsioen % 25, gutxienez, eta kalte nabarmenik ez egiteko printzipioa (DNSH) eta gobernantza onerako jardunbideak beteko dituzte inbertsiook.

Dena den, funtsaren inbertsio jasagarriek ez dute laguntzen 2020/852 (EB) Erregelamenduan zehaztutako ingurumen-helburuetan (bereziki, klima-aldaketa arintzeko edo klima-aldaketara egokitzeko helburuetan), eta funtsak ez du inbertitzen Erregelamendu horren arabera taxonomikoak diren jardueretan.

Ez da erreferentziarako indizirik hautatu sustatzen diren ingurumen- eta gizarte-alderdiak lortzeko.

## ***Zer jasagarritasun-adierazle erabiltzen dira finantza-produktu honek sustatutako ingurumen- edo gizarte-ezaugarri bakoitzaren lorpen-maila neurtzeko?***

Funtsak sustatzen dituen IGG ezaugarriak neurtzeko, monitorizatzeko eta lortzen direla ziurtatzeko, jasagarritasunari eta IGGei lotutako zenbait metrika hartzen dira kontuan. Hauek dira erabilitako funtsezko metrikak:

- Zorroan eskusio-irizpideak betetzen dituen ehunekoak.
- Jaulkitzaile korporatiboen kasuan:
  - Zorroaren batez besteko IGG ratinga 40/100 baino handiagoa izatea. Gutxienez 20/100eko IGG ratinga izan behar dute enpresek funtsaren inbertsio-unibertsoan sartzeko. IGG ratinga kalkulatzeko metodologiak zenbait jasagarritasun-adierazle uztartzen ditu bere indizea sortzeko —0 eta 100 bitartekoa da indize horren puntuazio-tartea—. IGGen esparruan ospe handia duten kanpoko hornitzaileen datuak erabiltzen dira.
  - Zorroak % 20 inbertitzea, asko jota, zehaztutako atalasetik (20/100ekotik) beherako IGG ratinga duten baloreetan. Ehuneko hori kalkulatzeko, zorroan IGG ratinga duten baloreak hartzen dira aintzat.
- Jasagarritasunari buruzko informazioa duten aktiboak zorroaren % 80 izango dira gutxienez, zuzeneko inbertsioko aktiboak (akzioak, errenta

**Jasagarritasun-adierazleek** finantza-produktuak sustatzen dituen ingurumen- edo gizarte-ezaugarriak nola lortzen diren neurtzen dute.

finko pribatua eta zor publikoa) eta IKEak barne hartuta.

- ***Inbertsio jasagarrien zer helburu lortu nahi ditu, hein batean, finantza-produktuak, eta inbertsio jasagarriak nola laguntzen du helburu horiek lortzen?***

Funtsaren inbertsio jasagarriek ingurumen- eta gizarte-helburu hauek lortu nahi dituzte, besteak beste: berotegi-efektuko gasen isurtzeak gutxitzea, energia-efizientzia lortzea, baliabideak eraginkortasunez kudeatzea eta gizarte osoaren gizarte-ongizatea hobetzea.

Funtsaren inbertsio jasagarriak —2020/852 (EB) Erregelamenduaren 2.17 artikulua arabera— ondoren adierazten diren aktiboetan egingo dira.

- Zuzeneko inbertsioa: errenta finko publikoko eta/edo pribatuko jaulkipenetan inbertituko da, bonu jasagarri, berde edo sozialtzat edo jasagarritasunari lotutako bonutzat —*sustainability-linked bonds*— kalifikatuta badaude; zor publikoaren kasuan, herrialde jaulkitzaileek demokraziak izan behar dute, *The Economist* egunkariaren demokrazia-indizearen arabera.
  - Bonu jasagarriak: ingurumenerako jasagarriak diren proiektuetan erabiltzen dituzte funtsak, eta jarduera berdeak eta sozialak konbinatzen dituzten proiektuak hauta daitezke.
  - Bonu berdeak: klima-aldaketa arintzea nahiz klima-aldaketara egokitzea edo ingurumen-jasagarritasunaren alorreko beste helburu batzuk sustatzen dituzten proiektu edo jarduera berdeetan erabiltzen dituzte funtsak.
  - Bonu sozialak: behartsuak diren, diru-sarrerara txikiak dituzten eta baztertuta edo desabantailan dauden biztanleentzat gizarte-ongizatea eta inpaktu sozial positiboa zuzenean sustatzen dituzten proiektuetan erabiltzen dituzte funtsak.
  - Jasagarritasunari lotutako bonuak (*sustainability-linked bonds*): finantza- eta/edo egitura-ezaugarriak alda dakizkieke, jaulkitzaileak alde zuzeneko zehaztutako jasagarritasuneko edo IGGko helburuak lortzen dituen edo ez kontuan hartuta.
- Zeharkako inbertsioa: 2019/2088 (EB) Erregelamenduaren 9. artikuluan sailkatutako inbertsio jasagarriak helburu dituzten IKE-etan soilik inbertituko da, betiere funtsaren inbertsio jasagarrien helbururen batekin bat badatoz inbertsio-helburu jasagarriok; 2019/2088 (EB) Erregelamenduaren 8. artikuluan sailkatutako IKE-en zati jasagarria ere kontuan hartuko da.

- ***Finantza-produktuak hein batean egin nahi dituen inbertsio jasagarriek ez diete kalte nabarmenik eragin behar ingurumenaren aldetik edo sozialki jasagarriak diren inbertsio-helburuei; baina, nola lortzen da hori?***

Inbertsio jasagarriek ingurumenarekiko edo gizartearekiko jasagarriak diren inbertsio-helburuei ez dietela kalte nabarmenik eragiten egiaztatzeko, finantza-

**Intzidentzia kaltegarri nagusiak** hauek dira: ingurumen-, gizarte- eta lan-gaiekin, giza eskubideen errespetuarekin, eta ustelkeriaren eta eroskeriaren aurkako borrokarekin lotutako jasagarritasun-faktoreen gaineko inbertsio-erabakien intzidentzia negatiborik handienak.

produktuak jarraipena egiten die 2022/1288 (EB) Erregelamendu Delegatuko erregulazio-arau teknikoan (RTSen) I. Eranskinen jasangarritasunaren arloko Intzidentzia Kaltegarri Nagusien adierazlerik behinenei.

Adierazle horiek zenbait epealditan alderatuko dituzte, finantza-produktuaren helburuetan eragin negatiboa duten inbertsioak identifikatzeko.

Sozietate gestoreak bere web-orrialdean argitaratuko ditu finantza-produktu horren gorabehera nagusiak; hona hemen helbidea:

<https://www.laboralkutxa.com/eu/partikularrak/aurrezkia/fondoak/nazioarteko-errenta-finkoa/laboral-kutxa-avant-fi>

● ***Nola hartu dira kontuan jasangarritasun-faktoreen gaineko intzidentzia kaltegarrien adierazleak?***

Intzidentzia kaltegarriek finantza-produktuaren jasangarritasun-faktoreetan zer inpaktu duten ebaluatzeko, IKNen jarraipena egingo da, Regulatory Technical Standards arauen (RTSen) I. Eranskinen adierazleen bidez.

Caja Laboral Gestión SGIIC SAK partaidetza-prozesuak ere egiten ditu, identifikatutako ingurumen- eta gizarte-arriskuen estaldura bermatzeko, IGG irizpideak zabaltzeko eta nazioarteko arau edo jokabide-kodeei atxikitzeko, besteak beste. Erakunde gestoreak inplikazio-politika bat du, lortu nahi diren ingurumen- eta gizarte-ezaugarriak hobeto sustatzeko tresna osagarri gisa. Hauek arautzen ditu politika horrek:

- Erakunde gestorearen inplikazio-prozedura, inbertsioen xede diren konpainietako akziodun gisa.
- Inbertsioen xede diren sozietateen jarraipena, estrategiari, errendimendu finantzario eta ez-finantzarioari, kapital-egiturari, gobernu korporatiboari eta jardueren ingurumen- edo gizarte-inpaktuari dagokienez.
- Sozietateekiko elkarrizketa aktiboa.
- Boto-eskubideen erabilera.
- Inplikazio-jardueren ondoriozko interes-gatazken kudeaketa.

Edonola ere, partaidetza-prozesu horiek kasu honetan egingo dira soilik: partaidetzapeko sozietatearen kapitalaren % 1ekoa edo handiagoa bada sozietate gestoreak kudeatutako inbertsio-funtsek kapitalean duten partaidetza.

● ***Nola egokitzen dira inbertsio jasangarriak Multinazionalerako ELGaren Gidalerroetara eta Nazio Batuen Enpresei eta Giza Eskubideei buruzko Printzipio Gidarietara? Xehetasunak:***

Funtsak kontuan hartuko du bere inbertsioak ELGaren Enpresa multinazionalerako gidalerroekin edo Nazio Batuen Enpresei eta giza eskubideei buruzko printzipio gidariekin bat etortzen direla. Horretarako, ESG datu-hornitzaileak emandako adierazleak erabiliko ditu funtsak.

ESG datu-hornitzaileak emandako informazioa osatu egingo da partaidetzapeko enpresekin elkarrizketa aktiboa izanez, epe luzeko

inplikazio-politikari jarraituz.

*EBren taxonomiak «kalte nabarmenik ez sortzeko» printzipioa ezartzen du; horren arabera, taxonomiarekin bat datozen inbertsioek ez diete kalte nabarmenik egin behar EBren taxonomiaren helburuei. Gainera, EBren berariazko irizpideak hartzen ditu barne.*

«Kalte nabarmenik ez sortzeko» printzipioa inbertsio hauei baizik ez zaie aplikatzen: finantza-produktuaren azpiko inbertsioetatik EBk ingurumenarekiko jasangarriak diren jarduera ekonomikoetarako ezarri dituen irizpideak kontuan hartzen dituztenei. Finantza-produktuaren gainerako azpiko inbertsioek ez dituzte kontuan hartzen EBk ingurumenarekiko jasangarriak diren ekonomia-jardueretarako ezarritako irizpideak.

*Beste inbertsio jasangarriek ere ez die kalte nabarmenik egin behar ezein ingurumen- edo gizarte-helbururi.*



### Finantza-produktu honek hartzen ditu kontuan jasangarritasun-faktoreen gaineko intzidentzia kaltegarri nagusiak?

Bai

Jasangarritasun-faktoreen gaineko intzidentzia kaltegarri nagusiak neurtzeko, RTSen 1. eranskineko 1. taulan ezarritako nahitaezko adierazleen jarraipena egiten da.

Osagarri gisa, neurtutako adierazle bakoitzak zorroan duen estaldura-portzentajearen jarraipena ere egingo da.

Adierazle horiek zenbait epealditan alderatuko dira, eragin negatiboa duten inbertsioak identifikatzeko.

Ez



### Zer inbertsio-estrategia erabiltzen du finantza-produktu honek?

Nazioarteko errenta finkoko inbertsio-funtsa da. Finantza-irizpideez gain, IGG irizpide ez-finantzarioak ere erabiltzen ditu, bai baztertzaileak (ez du zenbait sektoretan inbertitzen, hala nola armamentuan, tabakoan, jokoan...), bai baloratzekoak (klima-aldaketaren aurkako borroka, giza eskubideen babesa eta gobernantza korporatibo ona duten jaulkitzaileak). Ondarearen % 60k baino gehiagok inbertsio-funtsaren jasangarritasun-asmoak betetzen ditu (zuzenean eta zeharka), eta % 25 gutxienez inbertsio jasangarrietan inbertitzen du.

% 0 eta % 100 artean inbertitzen du jasangarritasun-asmoak betetzen dituzten errenta finkoko IKE finantzarioetan, eta % 20raino gestio alternatiboko IKE-etan.

Zuzenean edo zeharka, esposizio osoaren % 100 errenta finko publikoan eta/edo pribatuan inbertitzen du (barne hartuta gordailuak, diru-merkatuko tresna likido kotizatuak edo kotizatu gabeak eta titulizazioak).

**Inbertsio-estrategiak** zenbait faktoreen arabera bideratzen ditu inbertsio-erabakiak, hala nola inbertsio-helburuen eta arriskuarekiko tolerantziaren arabera.

● ***Inbertsio-estrategian zer elementu lotesle erabiltzen dira finantza-produktu honek sustatzen dituen ingurumen- edo gizarte-ezaugarrietako bakoitza lortzera bideratutako inbertsioak hautatzeko?***

Zuzeneko nahiz zeharkako zorroan, funtsaren jasangarritasun-asmoak hartuko dira kontuan inbertsio-unibertsoa zehazteko, bi irizpide-motaren arabera:

- Irizpide negatiboak. Esklusio-politika bat erabiliko da, jarduera nagusia sektore hauetan duten jaulkitzaileetan inbertitzea saihesteko: armamentua, tabakoa, jokia, helduen entretenimendua eta giza klonazioa.
- Balioztapen-irizpideak. *Best-in-class* politika ezarriko da; hau da, balioztapen positiboa emango zaie jasangarritasun-puntuaziorik handienak dituzten jaulkitzaileei. Arriskuak murrizteko politikak barne hartzen dituzten estrategiak darabiltzaten erakundeak bilatuko dira; hauek dira estrategiak:
  - Ingurumenekoak: CO<sub>2</sub>-aren isurtzeak murriztea, energia-efizientzia, baliabideen kudeaketa eraginkorra eta biodibertsitatea babestea.
  - Gizartekoak: giza eskubideak babestea.
  - Gobernantza korporatiboa: enpresetako kudeaketa-organoek politika egokietan parte har dezaten sustatzea, hala nola akziodunen eskubideak (baita akziodun minoritarioenak ere) errespetatzen dituzten, indarrean dagoen araudia betetzen duten, ustelkeria-jarduerak saihesten dituzten eta zerga-arloko jardunbide egokiak sustatzen dituzten politketan.

Zeharkako inbertsioari dagokionez, funtsaren jasangarritasun-asmoak betetzen dituzten IKEak hautatuko ditu sozietate gestoreak. Ahal dela, 2019/2088 (EB) Erregelamenduan jasangarritzat sailkatutako IKE-etan inbertituko du: edo ingurumen- nahiz gizarte-ezaugarriak —Erregelamendu horren 8. artikuluan sailkatuak— sustatzen dituzten IKE-etan, edo helburutzat inbertsio jasangarriak —Erregelamendu horren 9. artikuluan sailkatuak— dituzten IKE-etan, betiere inbertsio horiek bat badatoz funtsaren jasangarritasun-asmoekin.

Esklusio- zein balioztapen-irizpideak funtsaren zorro osoari (zuzenekoari eta zeharkakoari) aplikatuko zaizkio; zor publikoa izango da salbuespena, horri IGG irizpide hauek ezarriko baitzaizkio:

Zor publikoan egindako inbertsioa (zuzenekoa eta zeharkakoa) demokrazia-indizearen arabera demokraziatzat hartzen diren herrialdeetako gobernuetan egingo da soilik, baldin eta Social Progress Index eta SDG Dashboard indizeen arteko batez besteko kalifikazioa 70 baino handiagoa bada (bi indizeen puntuazio-maila 0 eta 100 artekoa da).

Demokrazia-indizea *The Economist* egunkariko Inteligentzia Unitatearen sailkapen bat da, eta, horren bidez, 167 herrialdetako demokrazia-maila zehaztu nahi da. [www.eiu.com](http://www.eiu.com) webgunean kontsulta daiteke.

Social Progress Index indizeak herrialdeek beren herritarren gizarte- eta ingurumen-premiak zenbateraino asetzen dituzten neurtzen du, hiru alderdi nagusitan bildutako 54 adierazleren bidez; hona hemen adierazleok: oinarrizko giza beharrak, oinarrizko ongizatea eta aurrera egiteko aukerak. Social Progress Imperative elkarteak kalkulatu du, eta [www.socialprogress.org](http://www.socialprogress.org) helbidean kontsulta daiteke.

SDG Dashboard indizeak herrialdeek Nazio Batuen garapen jasangarrirako 17 helburuekiko zer portaera duten neurtzen du. Hainbat erakundek kalkulatu dute (Garapen Iraunkorrerako Irtenbideen Sareak, NBErekin elkarlanean), eta [www.sdgindex.org](http://www.sdgindex.org) webgunean kontsulta daiteke.

Beraz, funtseko posizio guztiek eskusioaren eta balioztapenaren IGG politikak bete behar dituzte, betiere politika horien irismenetik kanpo ez badaude (adibidez, eskudirutan edo eskudiruaren baliokidetan dauden posizioak).

Gestoreak 20/100 baino IGG rating txikiagoa duen aktibo batean inbertitu nahi badu, beharrezkoa izango da Inbertsio Batzordeak inbertsio hori ex ante onartzea. Batzorde hori astero biltzen da, eta, bileretan, inbertsio-taldeak eta Arriskuen Gestio Areako eta Araudia Betearazteko Areako ordezkari banak hartzen dute parte. Batzordearen onspena aktan jasoko da, hartutako erabakiaren trazabilitatea egon dadin.

- ***Zein da inbertsio-estrategia hori aplikatu aurretik egin nahi diren inbertsioen zenbatekoa murrizteko konprometitutako gutxieneko ehunekoa?***

Ez dago inbertsioen zenbatekoa gutxieneko ehuneko bat murrizteko konpromisorik.

- ***Zer politika erabiltzen da inbertsioen xede diren enpresen gobernantza onaren jardunbideak ebaluatzeko?***

Gobernantza onaren nazioarteko printzipioak betetzen dituzten enpresetan inbertituko da. Informazio hori ESG kanpoko informazio-hornitzaileetatik lortuko da, bai eta partaidetzapeko enprekin gauzatutako elkarrizketa aktiboaren bidez ere.

Inbertsio kolektiboko erakundeetako inbertsioen kasuan, Caja Laboral Gestión SGIIC SAK IKE horien sozietate gestoreen esku utziko du jardunbide egokiak aztertzeke zeregina.

## **Zein da finantza-produktu honetarako aurreikusitako aktiboen esleipena?**

Funtsaren inbertsioen % 60k gutxienez ingurumen- edo gizarte-ezaugarriak lortzea izango du helburu, inbertsio-estrategiaren elementu lotesleei jarraikiz. Inbertsio jasangarrietan gutxi jota % 25 inbertitzeko konpromisoa ere hartzen du finantza-produktuak.

Produktuak ez du zertan Europako taxonomiarekin bat datorren gutxieneko inbertsiorik egin behar.

- ***Deribatuak erabiltzeak nola bermatzen ditu finantza-produktuak sustatzen***

**Gobernantza onaren** jardunbideek hauek hartzen dituzte barne: gestio onaren egiturak, langileekiko harremanak, langileen ordainsariak eta betebeharrak fiskalak betetzea.




**Aktiboen esleipenak** aktibo espezifikotako inbertsioen ehunekoa adierazten du.

## dituen ingurumen- edo gizarte-ezaugarriak?

Finantza-produktu honek ez du inbertsiorik egiten deribatuetan, ingurumen- edo gizarte-ezaugarriak sustatzeko.

Taxonomiarekin bat datozen jarduerak ehunekotan adierazten dira:

- **Negozio-bolumenaren ehunekotan.** Inbertsioen xede diren enpresen jarduera ekologikoetatik datozen diru-sarreraren proportzioa adierazten du.
- **Aktibo finkoko inbertsioaren ehunekotan.** Inbertsioen xede diren enpresek egindako inbertsio ekologikoak erakusten ditu; adibidez, ekonomia berde batera igarotzeko egindako inbertsioak.
- **Ustiapen-gastuen ehunekotan.** Inbertsioen xede diren enpresen jarduera operatibo ekologikoak adierazten dituzte.



## Zein da ingurumen-helburua duten inbertsio jasangarriak EBren taxonomiara egokitzeko gutxienerako neurria?

Finantza-produktuak ez du Europako taxonomiarekin bat datorren gutxienerako inbertsiorik egiteko konpromisorik.

**Jarduera erraztaileei** esker, beste jarduera batzuek nabarmen eta zuzenean lagundu dezakete ingurumen-helburu bat betetzen.

**Trantsizio-jarduerak** oraindik karbono-isurtze gutxiko alternatibarik ez duten jarduerak dira, eta, besteak beste, haien berotegi-efektuko gasen isurtze-mailak bat datoz emaitzarik onenekin.

*Jarraian ageri diren bi grafikoetan, berdez adierazita daude EBren taxonomiarekin bat datozen inbertsioen gutxienerako ehunekoak. Ez dagoenez bonu subiranoak\* taxonomiarekin bat datozen ala ez zehazteko metodologia egokirik, finantza-produktuaren inbertsio guztiak —baita bonu subiranoak ere— dagokien taxonomiara nola egokitzen diren ikus daiteke lehen grafikoan; bigarrean, berriz, finantza-produktuaren inbertsioen artean bonu subiranoak ez direnak taxonomiara nola egokitzen diren.*

\* Grafiko horien ondoretarako, «bonu subiranoek» esposizio subirano guztiak hartzen dituzte barne.

## ● Zein da trantsizio-jardueretan eta jarduera erraztaileetan inbertitzeko gutxienerako ehunekoa?

Finantza-produktuak ez du trantsizio-jardueretan eta jarduera erraztaileetan gutxienerako inbertsiorik egiteko konpromisorik.





ingurumen-helburua duten inbertsio jasagarriak dira, EBren taxonomiaren arabera ingurumenarekiko jasagarriak diren jarduera ekonomikoetarako irizpideak aintzat hartzen ez dituztenak.



### **Zein da EBren taxonomiarekin bat ez datozen eta ingurumen-helburua duten inbertsio jasagarrien gutxieneko ehunekoa?**

% 25ekoa da EBren taxonomiarekin bat ez datozen eta ingurumen-helburua duten inbertsio jasagarrien gutxieneko ehunekoa.



### **Zein da gizartearekiko jasagarriak diren inbertsioen gutxieneko ehunekoa?**

Finantza-produktuak ez du gizartearekiko jasagarria den gutxieneko inbertsiorik egiteko konpromisorik.



### **Zer inbertsio sartzen dira «Beste batzuk» atalean, eta zer helburu dute? Badago gutxieneko ingurumen- edo gizarte-bermerik?**

«Beste batzuk» atalean sartzen dira 2019/2088 (EB) Erregelamenduaren 6. artikuluan sailkatutako funtsak, baita funtsaren ingurumen- eta gizarte-ezaugarriak sustatzen ez dituen zuzeneko inbertsioa, likidezia (eta aktibo baliokideak) eta deribatuen berme-gordailuak ere.

Ez dago gutxieneko ingurumen- edo gizarte-bermerik.



### **Izendatu da berriazko indizerik finantza-produktu hau eta sustatzen dituen ingurumen- edo gizarte-ezaugarriak bat ote datozen zehazteko erreferentziako indize gisa?**

E/A.

- ***Nola egokitzen da, etengabe, erreferentzia-indizea finantza-produktuak sustatzen duen ingurumen- edo gizarte-ezaugarri bakoitzera?***

E/A.

- ***Nola bermatzen da, etengabe, inbertsio-estrategia eta indizearen metodologia bat datozela?***

E/A.

- ***Zertan dira desberdinak izendatutako indizea eta merkatuko indize orokorra?***

E/A.

- ***Non aurki daiteke izendatutako indizea kalkulatzeko erabilitako metodologia?***

E/A.



### **Non aurki dezaket produktuari buruzko informazio gehiago online?**

Helbide honetan aurkituko duzu produktuari buruzko informazio gehiago:

<https://www.laboralkutxa.com/eu/partikularrak/aurrezkia/fondoak/nazioarteko-errenta-finkoa/laboral-kutxa-avant-fi>